

雲南叢書

趙藩題

910.15
1484

雲南備徵志卷五

原任山西武鄉縣知縣臣王崧編纂

故實五

寰宇記
獻通考記

夢溪筆談
古滇說

宋史
桂海虞衡志
蠻夷外國列傳

雲南志略

太平寰宇記劍南西道

宋樂史撰

益州

蜀郡今理成都華陽二縣

禹貢曰岷嶓既藝沱潛既道蔡蒙旅

平和夷底績岷山導江東別爲沱岷山今在州界蒙水

在雅州界江水在州南成都縣界沱水在州西南唐隆

縣界皂里江是也古梁州巴濮庸蜀之地在秦則漢中

巴蜀三郡此其境也虞舜三州亦爲梁州之域周官職

方氏以梁州合於雍州則爲雍州之地蜀於周以前南夷地也尙書牧誓云及庸蜀羌髳微盧彭濮人孔安國注云八國皆蠻夷戎狄國名羌在西蜀叟髳微皆在巴蜀漢書地理志巴蜀廣漢本南夷周末

按漢書地理志無周末二字

秦併以爲郡按世本山海經揚雄蜀王本紀來敏本蜀論華陽國志十三州志諸言蜀事者雖不悉同參伍其說皆言蜀之先肇於人皇之際至黃帝子昌意娶蜀山氏女生帝嚳後封其支庶於蜀歷夏商周始稱王者縱目名蠶叢次曰柏灌次曰魚鳧其後有王曰杜宇宇稱

帝號望帝自以功德高諸王乃以褒斜爲前門熊

原本訛熊

據華陽國志改正

耳靈關爲後戶玉壘蛾眉爲城郭江潛綿洛

爲池澤以汶山爲畜牧南中爲園苑時有荆人鼈靈死其屍隨水上荆人求之不得鼈靈至汶山下忽復生見望帝望帝立以爲相時巫山壅江蜀地洪水望帝使鼈靈鑿巫山蜀得陸處望帝自以德不相若禪位於鼈靈號曰開明遂自亡去化爲子鵲鳥故蜀人聞子鵲鳴曰是我望帝也鼈靈或爲鼈令子鵲爲子鵲或云杜宇死子規鳴自開明下五葉有開明帝始立宗廟時天生五丁力士能徙山蜀王負力不爲戰備每一王死五丁輒爲立大石長三丈重千鈞以爲墓誌今石筍是也號曰

荀原本是也以下皆脫里未有謚號但以五行色爲主

據華陽國志補入

故其廟稱青赤黑白帝也史記秦惠王元年蜀人來朝
後八年伐蜀滅之初苴蜀相攻擊各來告急於秦秦惠
王欲先伐韓司馬錯曰臣聞之欲富國者務廣其地欲
強兵者務富其民欲王者務博其德三資者備而王隨
之矣今王地小民貧故臣願先從事於蜀夫蜀西僻之
國也而原本西僻以下皆戎狄之長也有桀紂之亂以
秦攻之譬如使豺狼逐羣羊拔一國而天下不以爲暴
利盡四海而天下不以爲貪是我一舉而名實附也而
又有禁暴止亂之名今攻韓劫天子惡名也周自知

九鼎韓自知亡三川將二國併力合謀以因乎齊趙而
求解乎楚魏王弗能止也此臣之所謂危也不如伐蜀
惠王曰善卒起兵伐蜀十月取之貶蜀王更號爲侯而
使陳莊相蜀蜀旣屬秦秦以益彊漢高帝六年分蜀置
廣漢郡初有漢中廣漢巴蜀四郡武帝元鼎中遣唐蒙
略通西南夷更置犍爲牂牁越巂益州四郡因分雍州
之南置益州統焉釋名益阨也其所在之地險阨也應
劭地理風俗記云疆壤益廣故名益州王莽改益州曰
庸部後漢明帝永平十二年以新附置永昌郡續漢書
郡國志益州部漢中巴廣漢蜀犍爲越巂牂牁益州永

昌凡九郡靈帝又以汶江蠶陵廣柔三縣立汶山郡蜀
志靈帝時太常劉焉出爲監軍使者領益州牧初焉建
議樹牧伯以鎮安方夏內求交趾欲避世難侍中廣漢
董扶私謂焉曰益州分野有天子氣焉意更在益州譙
周巴志云獻帝初平元年劉璋分巴郡立永甯郡建安
六年立涪陵郡二十一年劉備分巴郡立固陵郡蜀章
武元年分廣漢立梓潼郡分犍爲立江陽郡以蜀郡屬
國爲漢嘉郡以犍爲屬國爲朱提郡劉禪建興二年改
益州郡爲建甯郡廣漢屬國爲陰平郡分建甯永昌立
雲南郡分建甯牂牁立興古

原本訛右據晉書地理志改正郡分廣漢

立東廣漢

立東廣漢四字原本脫據晉書地理志補入

郡至是益州所部凡

十有九郡晉惠帝光熙元年李雄攻成都遂自立十六

國春秋曰李雄定成都嚴檉爲蜀郡太守雄卽王位遷

益州刺史是也又分漢嘉蜀二郡之地立沈黎漢原二

郡穆帝永和三年平蜀之後省漢原沈黎二郡又立南

陰平郡改漢原爲晉興郡簡文帝咸安二年苻堅遣鄧

羌楊安等伐蜀益州諸郡並沒於秦十二年孝武帝大

元八年平蜀州郡咸復舊周地圖記云梁大寶三年試

陵王蕭紀僭號於蜀西魏廢

原本脫廢字據魏書補入

帝二年平蜀

二十州並入於魏隋圖經云仁壽三年分九隴郫孝

水三縣爲濠州元武綿竹金水飛鳥四縣爲凱州陽安

平泉二縣及資州資陽爲簡州煬帝大業二年並從廢

省來屬益州蜀中舊無免鵠隋開皇元年蜀主楊秀鎮

益州命左右齎往鵠尚稀而免已衆矣唐武德元年改

爲益州置總管府管益綿陵遂原本訛逢據舊唐書改正資雅嘉眉

瀘戎會松翼嵩南甯昆恭十七原本訛九據舊唐書改正州益州領

成都雒原本訛名據舊唐書改正九隴郫雙流新津晉原青城陽安

金水平泉元武綿竹等十三縣又置唐隆導原本訛隋據舊唐書

改正江二縣二年分置邛眉普榮登五州屬總管府又置

新都什邡二縣三年罷總管置西南道行臺仍分綿竹

導江九隴三縣立濠州陽安金水平泉三縣立簡州割

元武屬梓州又析置德陽新繁萬春

原本訛奉據舊唐書改正

三縣

九年罷行臺置都督府督益綿簡嘉陵雅眉濠犍邛十

州並督雋南會甯都督府貞觀二年廢濠犍二州復以

濠州之九

原本脫九字據舊唐書補入

隴綿竹導江來屬仍改萬春

爲溫江六年罷南甯都督更置戎州都督屬益州八年

兼領南金州都督十年又督益綿簡嘉陵雅眉邛八州

茂雋二都督十七年置蜀

原本訛屬據舊唐書改正

縣龍朔二年升

原本訛外據舊唐書改正

爲大都督府仍置廣都縣咸亨二年置金

堂儀鳳二縣其年又置唐昌濠陽二縣垂拱三

原本訛舊

唐書年分雒九隴等十三縣置彭蜀二州其年又置犀

浦縣聖歷三年又置東陽縣天寶元年改益州爲蜀郡

依舊大都督府管劍南三十八郡十五年元宗幸蜀駐

蹕成都原本訛郡據舊唐書改正至德二年十月駕回西京改蜀郡

爲成督府長史爲尹又分爲劍南東川西川各置節度

使廣德元年黃門侍郎嚴武爲成都尹復併東西爲一

節度自崔甯鎮蜀後分爲西川自後不改皇朝因之爲

成都府

戎州南溪郡今理南溪縣禹貢梁州之域春秋爲棘侯國秦惠王

破滇此地始通五尺道漢武原本漢武下有開置故使四字據元和郡縣志改正

帝建元六年遣唐蒙發巴蜀卒通西南夷而破牂牁夜郎立犍爲郡十三州郡志有犍爲山因置犍道縣以屬焉歷後漢晉宋齊皆因之梁大同十年於此置六同郡以六合所同爲郡之名尋又置戎州以鎮撫戎夷隋初郡廢而州存煬帝初廢州以其地爲犍爲郡唐武德元年復改爲戎州領犍道犍爲南溪開邊邛郫五縣貞觀四年以開邊屬南通州於州置都督府戎郎昆曲協黎盤曾鉤髻尹匡哀宗靡姚微十七州至德八年置撫來縣仍改南通州爲賢州又廢賢州以開邊來屬天寶元年改爲南溪郡依舊都督羈縻三十六州一百三十七

縣並荒梗無戶乾元元年復爲戎州貞元中曾理於棘

道縣至長慶中復理於此元領縣五今三棘道

宜賓南溪開邊歸順已上二縣併入樊道東西一百五十

里南北一百二十里

協州隋犍爲郡之地古夜郎侯國唐武德元年開南中

置長安西南四千里北接戎州領縣三與州同置

東安西安湖津領戶三百三十九

西宗州唐武德元年開置南中立爲干恭州八年改爲

曲州長安西南四千三百三十里北接協州領縣二

朱提武德元年置安上唐興按國志朱提西猶有鳩鵲

以南無也

郎州漢夜郎地唐武德元年開南中置南甯州立治味
同樂升麻同起新豐隴隄泉麻梁水絳九縣四年置總
管府南甯恭協昆尹曾姚西濮西宗九州五年罷總管
其年冬復置寄治益州七年改爲都督督西甯豫西利
南雲磨南籠七州并前九州合十六州仍割南甯州之
絳縣屬西甯州八年自益州移都督於今治貞觀六年
罷都督置刺史八年改南甯爲郎州在長安西南五千
六百七十里北接曲州領縣七並與州同置同
樂升麻同起新豐隴隄泉麻味縣隋廢

同樂縣武德元年復置改名味

昆州漢益州郡地唐武德初招慰置至長安西南五千

三百七十里北接雋州 領縣四 與州同置 益甯

晉甯

有滇池周三百里

安甯

秦藏

領戶一千六百二十

十

盤州唐武德七年開置西平州貞觀八年改爲盤州

至長安西南五千三十里北接郎州南接交州 領縣

三 與州同置 附唐 平夷 盤水 卽舊興古郡

領戶一千九百六十

黎州本西甯州武德七年析南甯州置西甯州貞觀八

年改爲黎州無至長安里數北接昆州 領縣二 二

縣本屬南甯 梁水 絳 領戶一千

匡州武德七年開置南雲州貞觀三年改爲匡州至長

安西南五千一百六十五里 領縣二 與州同置

勃弄 匡州 縣界有永昌故城 領縣四千八百

髻州武德四年置西濮州貞觀十一年改爲髻州至長

安西南四千八百五十里南接姚州 領縣四 與州

同置 濮水 蜻蛉舊縣屬越雋 歧星 銅山 領戶一千

三百九十

尹州武德四年置無至長安里數北接髻州 領縣五

與州同置 馬邑 天池 鹽泉 甘泉 涌泉

領戶一千七百

曾州唐武德四年置在長安西南五千一百四十五里

西接匡州界 領縣五 與州同置 曾 三部 神

泉 龍亭 長和 領戶一千

鉤州唐武德七年置南龍州貞觀十一年改爲鉤州在

長安西南五千六百五十里東北接昆州 領縣二

望水 唐封 領戶一千

靡州唐武德七年置西豫州貞觀三年改爲靡州在長

安西南四千九百四十五里南接姚州 領縣二 與